

律政司譴責對港司法無理指控

反駁反華組織屈「不公義部門」 任何惡意指控必不會成功

特區終審法院早前批准律政司就壹傳媒創辦人黎智英保釋案提出的上訴許可，黎智英被即時還押。英國反華組織「Hong Kong Watch」（香港監察）日前聲稱，特區終院是向香港國安法「屈服」，該組織創辦人羅傑斯更聲言，律政司已「淪為不公義部門」云云。律政司昨日譴責有關人等針對香港健全的司法和法律制度所提出的無理指控，只反映了個人等的政治圖謀，而任何惡意企圖向檢控工作或司法機構施以不正當影響的指控或攻擊都必定不會成功。

香港文匯報記者 倪思言



▲律政司譴責英國反華組織針對香港健全的司法和法律制度所提出的無理指控。圖為黎智英前往終審法院，最終被終審法院判還押監房看管。資料圖片



▶終審法院門外，有市民支持嚴懲黎智英。資料圖片

羅傑斯此前聲稱，黎智英案顯示「香港司法獨立被踐踏」，法治原則「進一步被破壞」。「Hong Kong Watch」並在fb上載寫有「釋放黎智英」字句的圖片，宣稱高等法院法官已認同黎智英「沒有潛逃風險」，但特區終院還是「向壓力屈服」云云。

法庭「屈服於壓力下」毫無根據

律政司昨日回應指，反對一些海外人等針對香港健全的司法和法律制度所提出的無理指控。律政司已經多次重申，社會人士有權在法律容許的範圍內就法庭的裁決或相關事項發表意見，但同時必須尊重司法獨立，更不應該肆意批評司法機構，毫無根據地指控法庭的決定是「屈服於壓力下」。

律政司強調，對有人基於律政司依法履

行憲制職責而詆毀部門的名聲，「這種行徑只會反映個別人士的政治圖謀，所提出的言論更加欠缺基礎甚至不尊重法治。」律政司譴責相關行為，並表示任何惡意企圖向香港檢控工作或司法機構施以不正當影響的指控或攻擊必定不會成功。

麥美娟：外國組織批評無理

工聯會立法會議員麥美娟表示，律政司

按法例履行責任，外國組織的批評是毫無理據，並批評這些外國組織經常對香港事務指指點點，企圖干預香港內部事務，甚至存心包庇違法者，簡直是視法律如無物。

馬恩國：律政司履行責任

香港法學交流基金會主席、大律師馬恩國批評，相關的組織是西方反華勢力的喉舌，並強調律政司負責代表特區政府檢控

所有刑事罪行，有責任及權力履行國家憲法及基本法，維護香港治安。

丁煌批反華組織言論偏頗

全國港澳研究會會員、執業大律師丁煌表示，律政司認為黎智英保釋案中涉及高風險潛逃，提出上訴是盡其責任。他批評相關反華組織所發表的言論不僅偏頗，且極具政治色彩，言行不負責任。

練乙錚潑「國際戰線」冷水 料終一事無成

網議政事
哨攬炒派明明係「走佬」，但成日都要標榜自己打緊「國際戰線」，唔少人都睇通睇透，連被稱為「港獨理論家」嘅練乙錚，日前亦發表長文潑他冷水，話打所謂「國際戰線」根本係錯誤，估計最終都一事無成，又覺得唔「人權說帖」講爛晒，唔會再有乜效果，講到明所謂嘅游說「成功」都係大國利益嘅算計，人哋都要為自己嘅經濟利益，冇可能係以所謂「人權武器」同中國周旋到底嘞。

最後糊里糊塗地夠鐘消失

練乙錚篇文名為「給海外翼朋友淋六桶冷水」，從「人權說帖不是符咒」「流亡組織十居其九泡沫化」「流亡團體多是道德糞坑」「勇武無法適應流亡日常」等6方面證明香港所謂嘅「海外流亡者」最

終多係會一事無成，等啲「同路人」清醒啲。

練乙錚話，所謂「海外陣線」一窩蜂搞「國際游說」係錯誤，「因為未弄清楚民主國家政客要對投票人負責，包括要保障他們的經濟利益，因此不可能以『人權』為武器與中國周旋到底。」佢估計西方很多幾十年一事無成的「流亡運動」，都係糊里糊塗「抗爭」幾十年，最後又糊里糊塗地夠鐘消失。

由香港「走佬」派組成嘅「國際戰線」成日將「人權」擺喺口度，練乙錚就話呢個說辭之後難再有突破，「他們要對自己的國民負責，包括在經濟方面負責，不能無限度付代價替你打『人權』仗。」

佢直言中央同香港政府都唔會因為佢哋將「人權民主價值寫在說帖上」而「讓步」，而「游說有效」純粹係因為「赤裸裸的大國利益關係算計，游說的內涵不涉絲毫道義」。

練乙錚又話所謂「流亡運動」嘅海外有「公民社會」監督，好大可能因為「爭大台」而「打個半死」，啲團體更加可能出現好多問題，包括派系矛盾、資源爭奪等，而呢啲都仲係對「尚未喪失革命鬥志和初心的流亡團體」而言，啲啲「喪失了鬥志、徒具虛名不事生產而以欺騙所在地政府和NGO津貼度日的那些團體，當然就更不堪。」

「流亡者」頂唔順寧送頭回流

好多所謂「流亡者」口就喊得響，而本質上根本經唔起生活嘅壓煉，練乙錚話：「2019離港的那批次當中，就有不少如下事例：『流亡者』到了目的國，人家慷慨接收，居留手續和基本生計都給苦心安排好，但因為『流亡者』飲食不習慣，於是沒多久就回流，寧願送頭。」

佢覺得家真係冇「臥薪嘗膽」意志嘅年輕「手足」「其實很少很少，少到接近零。」佢又話啲較年

輕嘅香港移民關注嘅係當地社會同生活，就算香港出生同埋返過學嘅年輕移民，也好快淡忘香港事務，支持香港「民主」嘅意識薄弱得幾乎可說沒有。

網民「CDC」就覺得：「國際線不勝係TRUMP恩賜下先會發生，真係香港人把口咁咩。」「Lau Sing Tony」話：「唔好講話『流亡海外』啦，就算揸正移民海外外的，到了第二代已經差不多不會講『廣東話』了，所以『幾十年』就消亡是很正路的預測，又真係駁唔到練sir。」

不過都總有人唔想醒，「Chung Karenc」就鬧：「練某，我以前也曾讀你在各報紙上發表的文章。不客氣地說，你這六桶水全無新意，……再潑冷水，傷口灑鹽（鹽）又何必呢？」仲懷疑佢「是否因某些原因，你對香港這場（場）『民主運動』的立場已變」。

香港文匯報記者 文根茂

網議政事
李卓人離譜改車 網民促運署做嘢

「民間人權陣線」日前喺荔枝角收押所舉行所謂「釋放政治犯」車巡行動，「支聯會」李卓人、「民陣」召集人陳皓桓同中西區區議員葉錦龍，齊齊企喺貨車車頂上嗶咪，但就俾人質疑架車車頂搭建圍欄，屬於非法改裝車輛，要求運輸署盡快做嘢。

車頂僱建圍欄擺大聲公 係人都知道改裝車輛係違法行為，但佢哋竟然膽敢罔顧道路安全，將架貨車改到離晒譜。由fb專頁「政治大審判」發帖嘅相可以睇到，3人所處嘅貨車車頂僱建圍欄，仲加埋大聲公、海報等布置。睇返「民陣」自己上載嘅相，似乎都見唔到佢哋架車嘅「全相」，唔通佢哋自己都知道身有屎？

一眾網民見到佢哋將架車改裝到咁離譜，個個都鬧爆呀！「Leung Teddy」話：「告番（返）幾張告票先，以我小市民嘅理解最少有非法改裝車輛、危險駕駛、冇扣安全帶、



●貨車車頂僱建圍欄大聲公、海報等布置。政治大審判fb專頁截圖

有第三保。」「Alice Wong」就好激氣咁話：「拉人拖車咁話該！搞亂社會秩序嘅既類，咪又喺（係）為左（左）錢，眾籌呀！課金呀！」「pang chan」亦話：「警方點解唔告佢非法改裝車輛？」亦有人揸揸佢哋，久唔出嚟刷存在感，咪又係想佢人捐錢、搞眾籌。

唔理佢哋目的係咩，整架咁嘅車出嚟危害道路安全就係唔唔唔！提提大家喇，為有效遏止違規改裝車輛，維護路面行車安全，記得善用1823舉報，又或者填寫「有缺點車輛舉報表格」，一齊打擊非法分子。

香港文匯報記者 倪思言

銀行停信用卡 着草峯刷存在感

網議政事
早前走佬去咗英國嘅立法會前議員許智峯，近日又走出嚟刷存在感，同大家繼續講自己响信用卡俾銀行取消一事，仲聲言滙豐銀行有政治考慮同吞盈餘之嫌，要銀行公開交代事件，仲要求監管機構調查。

許智峯係fb發文，話滙豐銀行以「商業決定」原因取消佢同家人嘅信用卡，仲列出3點「罪狀」指控滙豐銀行，要求佢地嚴正處理事件，否則會考慮其他國際上跟進行動。

唔找卡數俾銀行停卡本身都合情合理，更何況係一個走佬咁連法律責任都唔負、嚟身在何方嘅人，銀行梗係會出於各方面考量停你張卡喇。

張國鈞：信用唔係人人都有

民建聯立法會議員張國鈞就認唔住係fb出聲質問許智峯：「你著（着）草界（俾）人通輯，個人無信用仲擺乜嘢信用卡？其實符合國際標準，你估吓有冇美國銀行肯開信用卡畀（俾）斯諾登，仲唔取消就真係要調查啦！信用唔係人人都有嘍，將來唔還錢銀行追你又話政治迫害唔好嘞。」

網民都好認同張國鈞嘅意見，「Wesley Chan」就話：「自己有理，咪返嚟據理力爭，公開實情。自己有刑事在身，又唔面對法律責任，乜嘢都係政治迫害，定係有妄想症？我想（相

信獅子（滙豐）銀行，多過許生。」「Danny Chan」附和：「個人無信用又點（點）用信用卡呀，萬一簽完卡走左（左）去，銀（銀）行點（點）搵（搵）你呀！」「Bernan Hsui」亦話：「既然選擇流亡外國就應該有骨氣D（啲），斷絕一切跟香港所有關係，包括信用額度！」

有網民就更抵死咁講，其實許智峯三五七日就出嚟做show，真係懷疑佢所謂嘅「流亡」實質係一份工。但又咁講，如果許智峯真係咁緊張佢响信用卡嘅話，佢都可以考慮親自返香港同銀行「據理力爭」。

香港文匯報記者 倪思言



●張國鈞就認唔住係fb出聲質問許智峯。張國鈞fb截圖

庇暴教會諷「黃絲」唔睇字「盲捐」

貴圈真亂
好鄰舍北區教會嘅醜事真係愈揭愈有，除咗早前教會同員工互相割席，令到教會員工所剩無幾之外，最近教會又被踢爆拒絕向員工及傳媒交代所得捐款去向，更加有教會內部人員直指「香港人真係唔睇字」，暗示一班「黃絲」淨係識得「盲捐」。

身為黃圈「自己人」嘅《蘋果日報》報道，佢哋喺舊年11月初就向教會傳道人陳凱興查詢教會賬目問題，但陳凱興就一直設法拖延，後尾性情無埋影。及後，有個自稱教會代表嘅人反反覆覆咁話會作回應，但拖拖吓一樣無咩件事。

據知，陳凱興除拒絕同記者交代，更拒絕同教會員工交代。《蘋果》話取得教會早前舉行員工大會時嘅錄音，講到捐款問題，當中有人言辭尖銳話「香港人係真係唔睇字嘅」。唔知一班「黃絲」知道教會咁樣形容佢哋，一堆玻璃心會唔會瞬間裂開呢？

教會反駁「蘋果」批幹事踢爆佢

被《蘋果》踢爆賬目混亂後，教會隨即發聲明稱，賬目一事已進入司法程序，目前不宜作出過多回應。同時又話自己並非如報章指「逃避不回」。教會唔單止一一反駁《蘋果》新聞呀，最後仲要講句「行在光明中的人，總要光明磊落」，批評一班青年幹事踢爆佢哋所作所為。

網民「五毛pr狗有限公司」睇完成件事就留言話「黃色水魚圈」，有網民仲激動咁回應：「唉，多得呢啲××又呢又偷又食，之後××富貴××把錢走去外國，我哋就畀（俾）藍屍（絲）笑到做『黃色水魚圈』，天理何在！」「11111111D」就批評陳凱興話「臨尾仲要開個patreon呢多筆，罷（擺）明幾好搵（搵）嘍」。

其實「黃圈」成日都搞眾籌，但最後就逐單逐單俾人踢爆涉及詐騙或者洗黑錢，呢個所謂嘅「黃色經濟圈」認真差家囉。

香港文匯報記者 倪思言

團體譴責蓬佩奧干港務



●團體譴責蓬佩奧插手香港事務。大公文匯集團記者攝

香港文匯報訊 涉嫌偷越邊境罪的香港「十二逃犯」，其中10人日前被深圳鹽田法院判囚7個月至3年，美國務卿蓬佩奧竟要求內地「立即」及「無條件」釋放10名犯人。團體「東方之珠義工團」兩名代表昨日帶同「蓬佩奧強詞奪理無理要求卑鄙無恥」、「蓬佩奧狂妄自大無權干涉」、「12港人判刑」照片的展架到美國駐港總領事館外抗議。發言人表示，美國疫情已陷入深淵，防控措施失控，每日死亡人數增加，蓬佩奧不管本國人命關天的大事，卻要插手香港事務，行為可謂猖狂跋扈，團體對此表示強烈譴責。